

Jodlerklub Blüemlisalp Brügg



Mir singe mit viu Härzbluet traditionelli u nöi Jodellieder. Wüu mir das nid eifach so chöi, üebe mir jede Zischtigabe am Ahti i dr Aula vom Schuelhuus Aegerte. Üsi Dirigänti bringt üs die verschiedene Lieder mit viu Fachkenntnis u dr nötige Portion

Hartnäckigkeit bi. Derbi chunnt aber ou dr Humor nid ds churz.

So chöi mir die schöne Lieder a üsem jährleche Heimatabe im Februar am ne interessierte Publikum vortrage. Mir singe aber ou am Wiehnachtsmärit, am Neuzuzügerapéro, im Betagteheim «Im Fahr», a Geburtstage, a Gottesdienste.

Nid ds vergässe si Teilnahme a de Jodlerfescht u -Träffe.

Glich wichtig wie ds Singe isch üs aber ou d Pfleg vo dr Kameradschaft, sig das nach de Probe, uf schöne Reise oder ou eifach bim Grillplousch im Waldhuus.

Hei mir di chli gluschtig gmacht? Wiiteri Informatione u Föteli fingsch du uf üser Homepage www.jkbluemlisalp.ch

Oder chumm doch eifach mau cho Icheluege u lose. Mir fröie üs uf nöii Gsichter.

D' Blüemlisälpler



GEGRÜNDET

1972

PRÄSIDENT

Max Weber

MITGLIEDER

15

LOKAL

Max Weber

KONTAKT

Mathias Marti

079 609 68 49

m.marti@evard.ch

www.jkbluemlisalp.ch